

# Тәрәнә газрас ирсн зәнъг

Яшалтинск района 105-ч номертә совхозин гурвдгч фермд тәрә хадлгън әклчкв. Совхозин механизатормуд тәрә хуралгънд машид багар, нег газр кӧдллгънә эв-аргъ орулджана. Намрин тәрәнә 265 газрин агъуд үүрмүд Вахненкон, Жилина болн Науменкон агрегатс кӧдлдж йовна.

Совхозин ах агроном И. М. Шестин келсәр болхла, ӧндртән күүнә ээмцә толгъагъан даадж әс чадад нә-әхлджәх эн тәрәнә гектар болгънас багъ гихдән 100-д пуд буудя авгдхмн.

КПСС-н ЦК-н июньск Пленумин тогтаврар ӧргмдж авсн совхозин тәрәчнр, ик гидг производственн болн политическ ӧргмджтәгъәр тәрә хадлгъндан орв. Полеводческ-тракторн, үр И. Д. Ищенкон бригадин газрин агъуд лафетн жатксин эн гурвн машинистнр кӧдлмшин ӧрәл ӧдрт хамдан 40 гектар тәрә хадв, әс гидж лафетн жатк болгънд 13 гектар тәрән хадгдв. Эдн эн 265 гектар намрар тәрсн хар буудян тәрәг гурвн ӧдрин дунд тӧгсәхәр зүткдж йовцхана.

Совхозин негдгч болн хойрдгч фермсәр тәрә хадлгън бас әклчкв. Совхозд ут-туршдан лафетн 10 жатк тәрә хадлгънд гарсн бәәнә.

Эн района Ленина нертә колхозин үр Я. Ф. Свечкон бригад ичмән болн намрар тәрсн цагъан буудян тәрәнәс болдж йовхинь йилгъдж хадлгънд бас орчкв. Эн колхозд ут-туршдан лафетн 20 жаткс кӧдлхмн. Дакад хадгдсн тәрә цуглулдж цоклгънд 20 гар комбайн белдгдв.

Колхозникудин күүчллгъәр эн джилд йилгъән сән ургъц ургъагдсн бәәнә. Тәрәнә кесг участкасар 18—20 центнер буудя авгдхмн. Колхозникуд эн элвг ургъциг кӧдлмшин 10 хонгин эргцд, хадлгън хуралгън хойриг онцонцднъ келгънә аргъар, геелт утагъар хурахин төлә цуг чидлән, медрлән тәвдж ӧргн кевәр дӧрлддж йовцхана.

**С. ЛИДЖИЕВ.**